

善矣信者吾信之不信者吾亦信之得信矣聖人在天下慄慄
為天下渾其心百姓皆注耳目聖人皆孩之

不執於此者道之從無分於彼者德之容民吾同胞物與吾
盡使其心歸赤子嗚人物無拘含容一致萬物生生誠哉天
地

出生入死章第五十

出生入死生之徒十有三死之徒十有三人之生動之死地亦
十有三夫何故以其生生之厚蓋聞善攝生者陸行不遇兇虎
入軍不被甲兵兇無所投其角虎無所措其爪兵無所容其刃
夫何故以其無死地

道藏輯要

道德真經章句訓頌

九

心集五
八川

生死常理不離乎數十有三分自生自死過於求生反入死
地又有其三死數六矣生三死六合而九具不死不生惟一
而已一為坤元一為乾始以全吾神以歛吾炁神炁空無一
而不一物我俱亡何傷何累嗚一二相依不少離隨之生死

數難違不於炁外觀天地夢裏誰知說夢非

天地人物內外皆不離乎炁炁

聚則成形炁順斯能生所謂養生亦順其炁而已養生之道
以其厚自奉養乃有以傷其炁而致死矣書凶晦吝生乎動
動之效四吉僅一焉故知道者慎乎動明乎靜靜則定定則
久久則復復則知所謂一而為不死不生之徒矣是蓋神炁
空無之妙生死兩忘出入無間外物於我奚有加焉明乎靜
知其所以靜而靜之也非若數息呆坐頑然以為空者使其
頑然以空則又安能外炁以觀天地哉然陽氣虛陰氣塞陰
常盛陽常抑事之成常難事之敗常易晴明之日常少冥晦
之日常多於三生六死槩可見矣是非其本然皆人事有以
致之天地萬物之氣於吾身未始一息不相通養生者可不

動慎

道生之章第五十一

道生之德畜之物形之勢成之是以萬物莫不尊道而貴德道之尊德之貴夫莫之命而常自然故道生之畜之長之育之成之熟之養之覆之生而不有為而不恃長而不宰是謂立德

死形而尊以出萬有者道无名而貴以育眾生者德千形萬狀巨細雜遝者物往古來今屈伸消長者勢尊其尊貴其貴无所不施无所不被而不自知其所以是謂之至理嗚道生德畜亦何心妙處元无跡可尋更好兩忘尊與貴任他瓦礫

與黃金

道藏輯要

道德真經章句訓頌

辛

心集五
八二八

天下有始章第五十二

天下有始以為天下母既得其母以知其子既知其子復守其母沒身不殆塞其兌閉其門終身不勤開其兌濟其事終身不救見小曰明守柔曰強用其光復歸其明無遺身殃是謂襲常天地之先父母之前有始未始是謂一元為父而母造化出焉知出而復斯神之全神全不雜明光相一外想不入內言不出皎然見之青天白日不造不化奚有乎物知微知彰知柔知剛知用知藏知變知常仙則鼎湖治則陶唐噫其糝糠死而不忘嗚此是朝元第一方頂心直上見虛皇闕旗祭竈

皆成技捉虎擒龍枉發狂

此修鍊頓悟直造者與第五十九章積功累行者雖然入門為異雖